



© David C. Cook Publishing Co.

2 TESOLONIKA

In Bokar

ABSTRACT

Bokar Kristan gïdïng hë, Sigë poonë yuunyïng hëm Bokarbo ngulu Tangsëh judë nakë. Hëbë igeylong mënno sin higëh logey long poonë poomong hëm bentoka. Bokar bo etchi mongnam go ija gabo sin mënno konggey long tangsih junë gïdïng hëm benbi longyika hëlong mënno ngolu kumdënakë.

[Author name]

Bokar MTT

Lanyi nabo

Tesolonika mi giding hēm Poolgē higēh

Benpong pyongnam

Kristogē pīngkur kusē hēm Tesolonika mondoli giding hē mīngkin mīngmangto. Tesolonia hēm poolgē lanyi naabo higēh ettnam hē Pinēgē ongteynē alo hēm mīnggēngnam hē pīngchi daku hēlong etto. tangbu yongchup bo poomongnē hēlong ditkēlamarbo inē genbo hēkē Kristo mey manghang teynē hē "Dit giyīngnē," hēnam chenbē sum pool maī moyīngto.

Pool long maigē leygēh ibamnam gidīnggē inam giyīngbo, henluk duksey jagēbo mīnggēngnam hēm topok mongbo igeylong poonē inam hēm iyēng tokē hēnabo higē etto.

Monir Lennam

Benpong pyongnam(1.1-2)

Hirnam hēlong bari hē (1.3-12)

Jisu gē ongsē hēm bentomnam hē(2.1-17)

Kristan ichom hēm bentomnam(3.1-15)

Benmey nanē(3.16-18)

1

¹ Pool ngo long Silas, long Timoti ngulu, Abo Sī mey long Pinē Jisu Kristo mey mīnggēngnē Tesolonika gē mondoli gidīng mēnnom, ngulu Sīgē higē sum mogey gēmo danakē.

² Ngulugē Abo Sī long Pinē Jisu Kristo mēnnom sakpanam hēmlong aiamar hēm bigē neykuka.

Hayika hënam hëlong dïnam hë

³ Birmë nïro gïding hë, mënnogë ayang ranam hëlong mïnggëngnam hë haryong haryongbo igeylong ngulu Sï mey hayika hëdëbo itër daku. ⁴ Hëbë igeylong dïkpë tangnam hëm gëngra geylong mënnogë Sï mey mïnggëngnam tungbï hëm ngulu Sïgë mondoli gïding hëm ngulu hïrgang rungbo benbi danakë.

⁵ Mënnom Sïgë dëbë dëtak gabo juda hënabo mënnogë dukseynam hëm Sïgë damnam hë damlak pa hëlong kongtom nayë kuteykë. ⁶ Mënnom duksey tangnë hëm Sï maï tangyen yëku teykë, heygo igeylong hëbëning maï jïjanë hëm inë go. ⁷ Torrungnë Sï tumi hëm onggë geylong meydong mong tolo ga Pïnë Jisu maï mëyak dordë bo ongyëku hëm, ngulum long henluk duksey tangnam gïding mënnom maï sakpa moyëku. ⁸ Pïnë Jisu gë poonë yu-nyïng benbinam hëm taamongnë mi hëmlong Sï mey chenmongnë mi hëm maï dïkpë tang yëku teykë. ⁹ Holoka malum Sïgë dako ga long maïgë irï sinyonë sungmë dakoga longpen ragey kulong tangta mongnë dïkpë hëm tang yëkutey kë. ¹⁰ Holoka si këbang sum iyë kutey kë maïgë ongyëku alo hëm, hamïngnë mi gïding galo sihnam hëmlong maïm mïnggëngnë gïding galo hïrnam pongyëkutey kë. Hol, mënnom sin ilu geylong, heygo igeylong hëbëning maïgë tungbï ga ngulugë benbinam hëm mënno taagey long mïnggëng kogakë.

¹¹ Mënno gë sïngnam hëm Sïgë gokken bo idëbo sïngmo bolong, mënnogë poonë leygë idëbo mïngnam këbang hëm imo bolong, mïnggëng geylong inam këbang hëm ngulugë Sï maïgë tornam ning imey motoka hëlong ngulu diyëng danakë. ¹² Hëbë igeylong mënnogë dachom ga Pïnë Jisugë amin hëm sihyë kuteykë, holoka mënnom sin maïm ichom bo sihlu yëteykë, holoka ngulugë Sï long Pïnë Jisu Kristo ga aiamar jija geylong si këbang sum imey moyë.

2

Poomongnë mi

¹ Birmë nïro gidïng hë, ngo Pinë Jisu Kristo gë onkusë tungbïga hëm long kogë dakola pïngkumsë tungbïga mënnom archo tapdënakë. ² Pinë gë alo hë ongney kukë hëlong benkërnäm hëm taageylong tolo bolo mïngyoka, holoka mïngdik mong bolongka, sungmë dagey bendë naakë hëja gabo sin, holoka nappang nïng benbikër jagë bosin, holoka higë la benja gabo sin malum mïnggëng yoka. ³ Sï mey achi rungbo ikornë gidïng hëlong, Sigë sïngdung gïngpang hëm mïnggëng mongnë hëm motongdi alo hëm kongpong mongdë kitlibo mënno mi nïng benkupko mongbo longka. ⁴ Hë mi hë mi gidïng gë sï hëlong kumnam këbang hëm ikor yëteykë, holoka ato hirhen suyëteykë, maï Sigë ugu la sin ongyëna dunggey long ngo Sï gokë hësu yëtey kë.

⁵ Ngo mënno apom dayëla si këbang sum mënnom bentom nam hëm, mënno mïngpong kumong hë? ⁶ Holoka hë mi hëm kongdi alo hë ongmongdë kitlibo kongpong momongbo itum panam hëm mënno chensuda. ⁷ Sigë sïngdung gïngpang hëm mïnggëng mongnë hë hëja sin tani mong si leygë hëm isida, hëbë ijagabo hë mi hëm itum nago dadë naakë, hë itumnë mi hëm longhang mongdë kitlibo lenmongbo dayëng yëteykë. ⁸ Holoka juutaksë hëm sïngdung gïngpang hëm mïnggëng mongnë mi hëm kongpong yëku teykë, holoka Jisu maigë ongyëku hëm ayën nïnglong maigë nappang ga lennë amuk nïng hë mi hëm mitkey yëkutey kë. ⁹ Hë mi hë ongyë hëm uyu agïng gë sungmë nïng karang marang go mënäm ikong bolong irisinyo sin ikong yëteykë. ¹⁰ holoka malum yïng teynë jïjanë gë gom hëm ayang mongbo iko ga siteyko lambë ga innë gidïng hëm, hë mi hë inam karang nïng poomongbo ikupsu yëng moyë teykë. ¹¹ Hëbë igeylong mënäm hëm jïja botey mïngmo dabo hëlong

malum Si mingkin mingmang moyëteykë. ¹²Holoka jjanë hëm mingchi mongbo igeylong poomognë leygë hëm mingbo gey inë këbang hëm dikpë tangyëku.

No kë yingdëbo damnam hë

¹³Pinë gë ayangnam birmë niro gidïng hë, mënnom yingdëbo dampyong chupnam gabo ngulu Si mey hayika hëyëng dabo idëkë, hë yinglennam hë mënnom hamïng monë sungmë galong mënnogë jija hëm minggëng koga pongpakë ¹⁴Ngulugë poonë yu-nying benbinam ning mënnom yingdëbo goknam hë Pinë Jisu Kristo gala sihnam hëm pongmen gëmo dabokë.

¹⁵Hëbë igeylong birmë niro gidïng mënno, ngogë mënnom gom ninglong higë ning laptomnam hëm kachibo minggap geyleong dato longka.

¹⁶Pinë Jisu Kristo long ngulum aiamar bolong ngulum ayangnë ngulugë Abo Si, ngulum poobo minggëng long meyangbo danyo nanë hëm binë, ¹⁷mënnogë hinong hëm meyang mobolong, mënnogë bennam inam këbang hëm poobo inyo mogë neykuka.

3

Ngulu gabo ditokë

¹ Birmë niro gidïng hë, Sïgë poonë yu-nyïng hëm anïk bo yujëng modë bolong mënnogë ichombo mi hë sihdëbo mënno ngulum dïbi longyika hëdë naakë, ²holoka mi poomong jïjanë mi gidïng ga ngulum yïng longyika hëlong dïto daaka, heygo igeýlong hëbëning këbang hë mïnggëngnë mi mongkë,

³ Hëbë ijagabo Pïnë maï mïnggëng dabo inë gobo igeýlong maï mënnom adïng moyë teykë holoka poomong jïja nanïng idïk iku moram kë.

⁴ Ngulugë itokë hëlong tamda japnam hëm mënnogë inam hëm long isë hëm iyëng yëtey hëlong ngulu Pïnë gala mënnom mïngchi rungdë naakë.

⁵ Mënnom Pïnë maï Sïgë ayang hëm achi rungbo chen nanë hëmlong Kristo giýingbo gëngnyo nanë hëm bigë neykuka.

Mïngram yoka

⁶ Birmë niro gidïng hë mënnom ngolu Jisu kristo gë amin ga mënnom tamda japdë naakë, mënno mïngramnë ajen apom la long ngulugë bentom koga imongnë gidïng gë apom la yëyoka. ⁷ Ngulu mënnogë apom la dayëla mïngram tomong yekë. hëbë igeýlong ngulugë ichombo mënno idin kukë isë hëmning mënno chensuda. ⁸ Ngulu mi galo akey hëm dorombo doto mongkë, holoka ngulu mënnogë ëgë gobo dadë itoyo mïng mongbo igeýlong alo ayobo ngulu nyïng panakë. ⁹ Mënnom ngulu gëbë imo dabo mïnglong itom nanëbo idënakë, hëmong ladey ngulu mënno galo togey pong teyna danakë, ¹⁰ holoka leygë hëm ilïng mongnë mi hë domong sin din danakë, hëlong mënno apom la ngogë dayëla tamda hëm jappa naakë.

¹¹ Ngulu taatonam mënno apom mi hëkëna leygë imongbo mïngram long dagey long, migë inam hëm benyangnë hëkë dadëyu. ¹² Hëkë inë mi gidïng

hë atogë dosë hëm nyinggey dosu tolong sïngnam hëm poobo sïngtoka hëlong Jisu Kristo gë amin ga ngo tamda japbolong archo tabdë naakë.

¹³ Birmë nïro gïding hë poonë inam hëm iram yoka. ¹⁴ Si higë sol ngulugë bennam hëm imongnë hëm minyang suto longka, holoka kom hennyïng sumo dabo hëëgë apom yëyoka. ¹⁵ Tura daranam hë mïngyoka, kristan ajen hë mïnggey long bentom toka.

Kopëknam

¹⁶ Sakponam hëm binë Jisu Kristo heygo ijagabo mënno sakponam hëm bibolong damen gëtoka hëlong ngo didë naakë.

¹⁷ Pool ngo këbang nïng kongchen kodëbo mïnggey long atogë alok nïng si higë sum sibë modë naakë.

¹⁸ Pïnë Jisu gë jïjanë aïamar hë mënno këbang gë apom damen gëtoka hëlong ngo didë naakë.